



Broj: 27-05-11-5288-2/24
Sarajevo, 08.03.2024. godine

Na osnovu člana 70. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj: 35/05) i Odluke Ministrice za nauku, visoko obrazovanje i mlade Kantona Sarajevo o pokretanju postupka za izbor jedne partner banke, broj: 27-05-11-5288.1/24 od 20.02.2024. godine, Ministarstvo za nauku, visoko obrazovanje i mlade Kantona Sarajevo, objavljuje

JAVNI POZIV ZA IZRAŽAVANJE INTERESA POSLOVNIH BANAKA ZA PRUŽANJE USLUGA BEZ NAKNADE

I PREDMET JAVNOG POZIVA

Ministarstvo za nauku, visoko obrazovanje i mlade Kantona Sarajevo (u daljem tekstu: Ministarstvo) ima namjeru izvršiti odabir partner banke za razvoj i održavanje projekta studentske platne kartice i programa lojalnosti (u daljem tekstu: studentska kartica) za studente koji studiraju na univerzitetima u Kantonu Sarajevo.

II PRAVO UČEŠĆA NA JAVNOM POZIVU

Kvalifikacioni uslovi kao opći uslovi koje banka mora ispuniti za pružanje usluga iz ovog Javnog poziva, su:

- a. Banka izražava zanimanje da pružanje bankarskih usluga navedenih u Javnom pozivu obavlja bez naknade;
- b. Banka mora posjedovati dozvole i odobrenja za obavljanje bankarske djelatnosti u minimalnom periodu od 36 (trideset i šest) mjeseci računajući unazad od roka za podnošenje prijave po ovom Javnom pozivu;
- c. Banka mora imati sjedište ili organizacionu jединicu ranga filijale u Kantonu Sarajevo;
- d. Banka je u posljednje tri poslovne godine uzastopno iskazala i prijavila neto dobit nakon oporezivanja;
- e. Banka mora biti tehnički opremljena i osposobljena za kvalitetno pružanje traženih usluga;
- f. Banka mora biti u ugovornom odnosu odnosno članica jedne od globalnih kartičnih mreža, VISA ili Mastercard, s predstavništvom u Kantonu Sarajevo;

III OPIS USLUGA:

1. Otvaranje i zatvaranje tekućeg računa,
2. Vođenje tekućeg računa,



3. Izdavanje elektronskog mjesečnog izvoda na e-mail,
4. Otvaranje trajnog naloga,
5. Izdavanje potvrda o statusu paketa usluga,
6. Otvaranje internet i mobilnog bankarstva,
7. Vođenje internet i mobilnog bankarstva,
8. Izdavanje platne kartice,
9. Reizdavanje ili obnova platne kartice, osim u slučaju gubitka,
10. Godišnja članarina na platnu karticu,
11. Kartično plaćanje roba i usluga u zemlji,
12. Podizanje gotovine na bankomatima banke u zemlji,
13. Plaćanje unutar banke na vlastiti ili račun drugog klijenta - za transakcije preko šaltera, internet i mobilnog bankarstva, ili trajnog naloga,
14. Priliv na račun iz unutrašnjeg platnog prometa - za transakcije preko šaltera, internet i mobilnog bankarstva, ili trajnog naloga.

IV USLUGE KOJE ĆE BANKA PRUŽATI TOKOM RAZVOJA I ODRŽAVANJA STUDENTSKE KARTICE

- a) Zajedničko planiranje u sklopu Radne grupe koju čine predstavnici Ministarstva, partner banke i partner kartične mreže (u daljem tekstu: Radna grupa) u vezi proizvoda, odnosno paketa usluga koji se odnosi na personalizaciju/kobrendiranje platne kartice i marketing aktivnosti;
- b) Realizacija proizvoda odnosno paketa usluga;
- c) Marketing, oglašavanje i promociju proizvoda u skladu sa planom aktivnosti;
- d) Ugovaranje popusta na usluge i proizvode sa privrednim subjektima, javnim ustanovama, i drugim partnerima u okviru programa lojalnosti, uz saradnju sa Ministarstvom.

V KRITERIJI ZA ODABIR BANKE

a. Platni promet prema drugim bankama uz sljedeće karakteristike sa minimalnom naknadom:

1. Odliv ili isplate sa računa u okviru unutrašnjeg platnog prometa – za transakcije preko šaltera, internet i mobilnog bankarstva, ili trajnog naloga.

Kriterij platnog prometa prema drugim bankama nosi 15 od ukupno 100 bodova. Bodovi će se dodijeliti kvalifikovanoj banci proporcionalno u odnosu prema najmanjoj ponuđenoj ukupnoj naknadi (iskazanoj na dvije decimale), za transakcije preko šaltera, internet i mobilnog bankarstva ili trajnog naloga. Maksimalan broj bodova će se dodijeliti banci koja ponudi navedeni kriterij bez naknade, odnosno koja ponudi najmanju ukupnu naknadu za transakcije preko šaltera, internet i mobilnog bankarstva ili trajnog naloga.

b. Budžet ili ulaganje do realizacije odnosno plasiranja proizvoda, po sljedećim stavkama:

1. Razvoj proizvoda odnosno paketa usluga,
2. Marketing aktivnosti, oglašavanje i promocija,
3. Poklon dobrodošlice u vidu džeparca na računu,
4. Poklon dobrodošlice po izboru banke,
5. Sredstva namijenjena za finansiranje Radne grupe.

Kriterij ukupnog budžeta ili ulaganja do realizacije odnosno plasiranja proizvoda nosi 50 od ukupnih 100 bodova. Bodovanje ovog kriterija izvršit će se sabiranjem bodova pojedinačnih stavki. Svakoj kvalifikovanoj banci će se dodijeliti odgovarajući broj bodova proporcionalno u odnosu prema



najvećem ponuđenom budžetu po pojedinačnoj stavci. Stavke se boduju kako slijedi: stavka 1- 30 bodova, stavka 2 – 12 bodova, stavka 3 – 5 bodova, stavka 4 – 2 boda i stavka 5 – 1 bod. Maksimalan broj bodova po pojedinačnoj stavci će se dodijeliti kvalifikovanoj banci koja ponudi najveći budžet.

c. Budžet ili ulaganje za period od 2 (dvije) godine nakon realizacije odnosno plasiranja proizvoda, po sljedećim stavkama:

1. Održavanje i nadogradnja proizvoda odnosno paketa usluga;
2. Marketing aktivnosti, oglašavanje i promocija;
3. Poklon dobrodošlice u vidu džeparca na račun;
4. Poklon dobrodošlice po izboru banke.

Kriterij ukupnog budžeta ili ulaganja za period od 2 (dvije) godine nakon realizacije odnosno plasiranja proizvoda nosi 35 od ukupnih 100 bodova. Bodovanje ovog kriterija izvršit će se sabiranjem bodova pojedinačnih stavki. Svakoj kvalifikovanoj banci će se dodijeliti odgovarajući broj bodova proporcionalno u odnosu prema najvećem ponuđenom budžetu po pojedinačnoj stavci. Stavke se boduju kako slijedi: stavka 1 – 15 bodova, stavka 2 – 12 bodova, stavka 3 – 5 bodova, i stavka 4 – 3 boda. Maksimalan broj bodova po pojedinačnoj stavci će se dodijeliti kvalifikovanoj banci koja ponudi najveći budžet.

Bodovi od a) do c) iz ove tačke se dodjeljuju u skladu sa sljedećom formulom: $U = A + B + C$,

pri čemu je:

U - ukupan broj bodova,

A – bodovi po kriteriju „Platni promet prema drugim bankama“,

B - bodovi po kriteriju „Budžet ili ulaganje do realizacije odnosno plasiranja proizvoda“,

C - bodovi po kriteriju „Budžet ili ulaganje za period od 2 (dvije) godine nakon realizacije odnosno plasiranja proizvoda“.

VI POSTUPAK ODABIRA BANKE

Komisija imenovana rješenjem Ministarstva, broj: 27-05-11-5288/24 od 20.02.2024. godine će utvrditi rang listu pristiglih ponuda od strane banaka u roku tri dana od dana zatvaranja Javnog poziva i sačiniti prijedlog o izboru partner banke.

VII ROK ZA REALIZACIJU PROJEKTA

Banka je dužna da nakon potpisivanja Sporazuma sa Ministarstvom projekat realizuje do početka akademske 2024/2025 godine.

VIII POTPISIVANJE SPORAZUMA

Ministarstvo će zaključiti sporazum u skladu sa odlukom o izboru. Ukoliko izabrana banka odustane od provođenja projekta prije potpisivanja sporazuma, ministrica će pozvati prvu sljedeću odnosno drugorangiranu banku sa rang liste. Sporazum sa izabranom bankom će se zaključiti na period od pet godina.

IX PODNOŠENJE PRIJAVE

Zainteresovane banke, prijavu za učešće podnose na propisanom obrascu, koji je sastavni dio Javnog poziva.

Uz prijavu, banke su dužne dostaviti sljedeću dokumentaciju:



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-029

Web: <http://mon.ks.gov.ba>, E-mail: info@mon.ks.gov.ba

3/4

- a. Izjava banke kojom izražava interes za pružanje bankarskih usluga navedenih u Javnom pozivu obavlja bez naknade, ovjerenu od strane nadležnog organa uprave ili notara, u formi koja je prilog ovom Javnom pozivu;
- b. Izvod iz sudskog registra, ne stariji od tri mjeseca od podnošenja prijave, original ili ovjerena kopija;
- c. Dokaz o dozvoli za rad (licenca) od Agencije za bankarstvo Federacije BiH, original ili ovjerena kopija ne starija od tri mjeseca od podnošenja prijave;
- d. Izvještaje o poslovanju banke na obrascima koji su propisani odlukama Agencije za bankarstvo Federacije BiH u obliku izvještaja koje banka dostavlja Agenciji za bankarstvo Federacije BiH, i to:
 - Bilans uspjeha na dan 31.12. 2021. - Obrazac BU
 - Bilans uspjeha na dan 31.12. 2022. - Obrazac BU
 - Bilans uspjeha na dan 31.12. 2023. - Obrazac BU

Prijava za učešće zajedno sa pratećom dokumentacijom dostavlja se najkasnije do 18.03.2024. godine do 12:00 sati. Prijava za učešće dostavlja se u zatvorenoj i zapečaćenoj koverti direktno na adresu:

Protokol Kantona Sarajevo
Reisa Džemaludina Čauševića br. 1, 71000 Sarajevo

Na koverti obavezno naznačiti:

„Za Ministarstvo za nauku, visoko obrazovanje i mlade Kantona Sarajevo - Prijava na Javni poziv za izražavanje interesa poslovnih banaka za pružanje usluga bez naknade” - „NE OTVARATI”

Prijave za učešće koje budu dostavljene nakon navedenog roka neće biti razmatrane.


Dokumentaciju za prijavu, banke mogu preuzeti na web stranici Ministarstva za nauku, visoko obrazovanje i mlade Kantona Sarajevo.

Javno otvaranje ponuda obaviti će se dana 18.03.2024. godine, u 13:00 sati u Multimedijalnoj Sali u zgradi Vlade Kantona Sarajevo, Reisa Džemaludina Čauševića 1, Sarajevo. Pravo da prisustvuju otvaranju ponuda imaju predstavnici podnosioca prijave uz podnošenje pismene punomoći.

Banke ponuđači mogu izvršiti uvid u sve prispjele ponude banaka sa utvrđene rang liste u roku od tri dana od dana prijema obavijesti o izboru partner banke elektronskim putem.

X OSTALE ODREDBE

Osoba ovlaštena za davanje informacija u vezi s ovim Javnim pozivom: Nihad Šeta,
e-mail: nihad.seta@mon.ks.gov.ba.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-029
Web: <http://mon.ks.gov.ba>, E-mail: info@mon.ks.gov.ba